

Kreola lingvo

Kreola lingvo (aŭ tutsimple "**kreolo**") estas eksa piĝino, kiu ekhavis denaskajn parolantojn. Kreola lingvo, per apero de popolo parolanta en ĝi, povas iĝi sufiĉe riĉa kaj nuancplena por servi kiel nacia lingvo, kiel okazis en kelkaj eksaj kolonioj (Haitio, Nov-Gvineo ka.).

Nesolvitaj problemoj de lingvoscienco

Kiel aperas kreolaj lingvoj?



Enhavo

Termino

Diversaj bazoj

Esperanto kaj kreolaj lingvoj

Vidu ankaŭ

Referencoj

Termino

La vorto "kreolo" devenas de hispana *criar*, kio povas signifi "kreskigi" aŭ "nutri". Estas nomo por ĉiuj lingvoj, kiuj estiĝis dum la 17-a jarcento per la reciproka trafenetrado de la respektiva eŭropa lingvo kun la lingvo en la kolonizita lando. La kreolaj similas al la piĝinaj lingvoj, sed havas pli kompleksan gramatikon kaj pli grandan vortaron. Kelkaj piĝinoj evidentiĝis tiel utiliĝemaj, ke komunumo akceptas ilin kiel lingvafrankaon.

Diversaj bazoj

 Vidu ankaŭ: Listo de kreolaj lingvoj

Kreolaj lingvoj baziĝas sur diversaj lingvoj, precipe eŭropaj. Sed tamen ekzistas kelkaj kreolaj lingvoj, kiu baziĝas sur neeŭropaj lingvoj.^[1]

Esperanto kaj kreolaj lingvoj

Bernard Golden, en sia artikolo *Piĝinoj, kreolaj lingvoj kaj planlingvoj*,^[2] eliras el la konceptoj de piĝinoj kiel porokazaj helplingvoj, nenies gepatraj lingvoj kaj kreolaj lingvoj kiel jam primaraj lingvoj devenaj el piĝinoj. Tradicie lingvistoj iom malatentis ilin, kvankam ja ili konstituas interesajn lingvajn fenomenojn, kaj fakte modelojn por planlingvoj, kiuj siavice plej ofte havas piĝinajn interetnajn celojn, kaj same kiel ili estas mikslingvoj. Kreolaj plej ofte estas facilaj lingvoj mikse inventitaj de filoj de parolantoj de piĝinoj. Tre interesaj kazoj de tiaj lingvoj estas papiamento kaj la svahila.

Esperanto povus profiti el tiaj fenomenoj, se ĝi pligrandigas sian facilecon kaj piĝinecon, dum povas esti malhelpita en sia etendiĝo pro alproksimiĝo al funkciado de nacilingvoj. Paŝoj al tiu piĝiniĝo estus la bazaj vortaroj kaj evito de gramatikaj komplikaĵoj de la "trunko" de Kalocsay, la facila lingvaĵo de la revuo

Kontakto aŭ la Zagreba Metodo.

Okaze de la Internacia tago de la kreola lingvo, eldoniĝis poemo en la maŭrica (kreola lingvo) kun tradukoj en 57 lingvoj, i.a. en Esperanto^[3].

Vidu ankaŭ

- Esperanto kaj la maŭrica lingvo
- Nikaragva signolingvo
- Listo de kreolaj lingvoj
- Bislamo
- Papiamento
- Tokpisino
- Kriolo

Referencoj

- ↑ Wennergren, Bertilo. Notoj: Piĝinoj kaj kreolaj lingvoj (https://web.archive.org/web/20160422221735id_/bertilow.com/lanlin/notoj#noto19). *Landoj kaj lingvoj de la mondo* (16-a de aŭgusto 2015). Arkivita el la originalo (<https://bertilow.com/lanlin/notoj#noto19>) je la 22-a aprilo 2016.
- ↑ Bernard Golden. [1988] (2015) “Piĝinoj, kreolaj lingvoj kaj planlingvoj”, *Interlingvo inter Lingvoj. Prilingvaj Eseoj*. Roterdamo: UEA, p. 29–46. ISBN 978-92-9017-123-2.
- ↑ Alain Fanchon, *Ti bato papye (Paperŝipo eta)* (<http://www.linguistic-rights.org/kreol/>), UEA, Lingvaj Rajtoj, la 21-a de majo 2015.

Lingvo

Lingvistiko • Interlingvistiko • Planlingvo • Lingvaj familioj • Lingva filono • Senparenca lingvo

Listoj alfabetorde • laŭ ISO 639 • laŭ familio • laŭ parolantaro • laŭ skribsistemo

Diverslingve nombroj • Saluti • danki • idiotismo kaj idiotismaj esprimoj

Elŝutita el "https://eo.wikipedia.org/w/index.php?title=Kreola_lingvo&oldid=6655315"

Ĉi tiu paĝo estis lastafoje redaktita je 14:45, 26 jun. 2019.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.